

# Табасарандин сес



Табасаран райондин  
жямьяьтлугъдинна - политикайин газат



Голос  
Табасарана

№ 42 (1136) Жвуми, 13-пи октябрь, 2023-пи йис (2001-пи йисан 5-пи майдианмина удубч1вур)

## «Валдай» клубдин гьарисандин XX заседание гьабхьну

Мялум вуйганси, улихьна йигъари, яни 2 – 5 октябрь Халкьарин арайиь вуйи дискуссияин «Валдай» клубдин гьарисандин XX заседание гьабхьну. Дидин асас тема «Вари терефарихъан вуйи гьакьвал: варидин хат1асузвал ва артмиш'вал фици тямин аплуруш» вуйи. Заседаниеин ляхниь Евразияйин, Африкайин, Къибла ва Кафари Америкайин 42 уьлкейинан 140 эксперт, политикар ва дипломатар иштирак гьабхьну. Аьдат вуди, «Ахью Валдайн» хяларин ахюну пай жара уьлкейин вакилар шулу.

«Валдай» клубдин пленарный сессияйиь РФ-йин Президент Владимир Путин удуч1вну гьулхну. Дугъан улхуб шубуб сьабтт1ан зина давам гьабхьну. Президентди халкьарин арайиь вуйи аьлакьйир диозмиш аплбан йирхуб принципдикан, Украинайикан, Къарабагъдин аьгвалатдикан, Урусатдин экономикайин гьалнакан, Пригожиндин самолетдин аварияйикан ва жара месэлийиркан гьапну.

РФ-йин президентдин пресс-секретарь Дмитрий Песковди Владимир Путиндин улхуб дюньяйин эгъемият айиб вуйивал къайд гьап1ну.

Аь. РАШИДОВ.

Табрик аплуб

## Рякъярин мяишатдин работникарин Йигъахъди!

Аьзиз ватанагълийир! Ихь уьлкейиь гьарисан октябрин шубудпи элгъет йигъан рякъярин мяишатдин работникар чпин пишекарвалин Йигъ къайд аплура. Думу Йигъ рякъяр, гьядар тикмиш аплрударин, ярхи йисди рякъяр къайдайиь уьрхрударин, яни тикилишчйирин, инженерарин, проектар аплрударин, рякъяр рас ва дурариз гьуллугъ аплрударин, рякъяр тикмиш аплуз материалар гьасил аплрударин машквар ву. Шакусуди, рякъяр вари государственойин инфраструктурайин асас парярикан гьисаб шула. Рякъярин сетдин артмиш'валикан экономикайин артмиш'вал, гьадихъди сабси, агъалийрин яшайишдин дережа асиллу ву. Чпин пишекарвал-

лин машквархьна, гьелбетда, ихь райондин рякъярин мяишатдин работникар саб жерге хьуркьувалар гьазанмиш даплну, гьафну. Аьхиримжи йисари райондин айт1, гьадму гьисабнаан гьуларин поселенйирин арайиь ва гьуларин айт1, рякъяр тикмиш ва айидар рас аплбаан хайлин ляхнар духнахъа. Гележегдиьра думу ляхнар давам аплдихъа.

Райондин рякъярин мяишатдин вари работникар чпин пишекарвалин машквархъди тебрик, дурариз чпин важиблу ва гьи дару ляхниь гележегдиьра хьуркьувалар ва хушбахтвал ккун аплура!

«Табасаран район» МР-ин Глава  
М.С.КЪУРБАНОВ.

## «Ядигарвалин багъ» хьибди

Ихь республикайиь «Ядигарвалин багъ» к1уру акция к1улиь гьабгьюра. Думу акция СВО-йиь гьак1идариз бахш даплнайиб ву. Табасаран районди думу акцияйин программийиьди «Ургур чвуччунна сар чуччун» гьалайин багахъ «Ядигарвалин багъ» кивуз планламиш даплна. «Ядигарвалин багъдин» дизайн-проектди конкурс мялум даплна, конкурсдиь 15-пи октябризкъан иштирак хьуз шулу. Конкурсди гьалиб гьахъириз «Табасаран район» МР-ин Главайи ччурнахъан вуйи приз тувиди. (СМИ-йинан).

## Мялимвал асуллу пише ву



Ццийин йисан 6-пи октябриь Табасаран райондин администрацияйин ақтовый залиь мялимдин Йигъаз бахш даплнайи шадвалин серенжем гьабхьну. Душваь райондин глава Мягъмед Къурбанов, райондин депутатарин Собраниейин председателин заместители Аьлиягъмед Къазиев, рай-

ондин УО – йин начальник Аьбдусалам Гьасанов, образованиейин идарйирин руководителар, педагогвалин ляхнин ветеранар иштирак гьабхьну.

Серенжемдиь удуч1вну улхури, Мягъмед Къурбановди райондин образованиейин цирклиь аьхиримжи йисари шулайи ужувлан

дигиш'валарикан, гьадму гьисабнаан хайлин мектебар дибдиан рас аплбакан ва цийидар тикмиш аплурайиваликан, образованиейин идарйирин материална-техникайин база ва урхурайидариз шараитар ужу шулайиваликан, багахъ йисариз думу цирклиан улихъ (Аьхир 2-пи машнаь.)

15-пи октябрь - рякъярин мяишатдин работникарин Йигъ

## Рякъярин дережайикан яшайишдин дережа асиллу ву

Ряк-хул хьтру гьул гележег хъайиб дар, к1ури шулу. Дугъридан, рякъяри гьарсаб гьулан уьмриь важиблу роль уйнамиш аплура. Транспортдин инфраструктурайин артмиш'валикан вари государственойин экономикайин артмиш'вал, халкьдин дуланажагъдин дережа асиллу ву. Фикир тувиш, рякъяр айиваликан ва дурарин ерийикан гьагъар зигбан, пассажира гьахбан гьаракат ва дурарин хат1асузвал асиллу ву. Гьаддиз рякъяриз гьарган гьуллугъ аплури, рас аплури, цийи алаури, цийидар тикмиш аплури ккунду. Ихь уьлкейиь, месела, рякъярин мяишатдин цирклиь шубуд агъзурт1ан зина идара ва 750 агъзурт1ан зина инсан лихура. Дурар тикилишчйир, инженерар, проектировщикар, автомагистралар ва рякъяр тикмиш аплбаь иштирак шулайидар, рякъяр рас ва дурариз гьуллугъ аплрудар, рякъяр тикмиш аплуз тьаьлуь



материалар гьазур аплрудар ва жарадар ву. Гьаму вари работникар ихь уьлкейиь гьарисан октябрин шубудпи элгъет йигъан чпин пишекарвалин машквар къайд аплура. Ццийин йисан думу машквар 15-пи октябриь къайд аплди.

Дупну ккундуки, Табасаран райондиьра рякъярин работникарин пишекарвалин Йигъ гьарисан къайд аплура. Дидин гьакьнаан ич

сюгъбатнаь РД-йин «РСУ» АО-йин ихь райондин «Табасаран» филиалин к1улин инженер Аьлимизраев Уьсман Гьажибрагъимовичди гьапнийи. РД-йин «РСУ» АО-йин «Табасаран» филиалиь, к1улин инженери гьапиганси, 25 касди ляхин аплура. Коллективдиз регьбервал туврайир директор Аьбуллаев Эседулла Велиюллаевич ву.

- Райондин рякъярин сеть, улихьна йисарик лигну, хайлин яркьу дубхъна, - гьапнийи Уьсман Аьлимизраевди. - Гьийин вахтна райондиь, умуми гьисабниинди, 220 километр рякъяр а, дурарикан 112,8 километр республикайин эгъемиятдин, 108,9 километр ерли эгъемиятдин рякъяр ву. Республикайин рякъяриз Дербент- Хючна-Хив (51 км), Мамедкъала -Хючна (28 км), «Къавкъаз» -Сиртич-Т1аттил (34,2 км) рякъяр аид шула.

(Аьхир 2-пи машнаь.)

## Дагъустан Республикайин гъюкуматдин наградыриз лайикълу гъахъну



Гизаф йисари гъизигу намуслу зегметназ, райондин экономикайинна - социалин артмиш`валик хайлин пай кивбаз ва активный жмяабтлугъ лишниз лигну, Табасаран райондин

депутатарин Собраниейин председателдин замиститель Аьлимьямед Къазиев РД-йин Халкъдин Собраниейин Гъюрматнан грамотайиз; ляхниъ гъазанмиш гъаплу хъуркъувалариз ва намуслу

ляхниз лигну, ЦБС-дин директор Рафик Аьлиев РД-йин Главайин ччвурнахъан Чухсагулиз; бицлидаринна-живанарин 4-пи нумрайин спортшколайин тренер Къунагъбег Жабраиллов «РД-йин

физический культурайин лайикълу работник» лишниз лайикълу гъахъну.

РД-йин гъюкуматдин наградыир чпин сагъибарихъна туври, «Табасаран район» МР-ин Глава

М.С.Къурбановди дурари гъарсари райондин ва республикайин артмиш`валик киву пай къайд ва гележегдиъра дурариз ляхниъ цлийи хъуркъувалар ккун гъаплу.

У. Къурбанова.

### Мялимвал асуллу пише ву

(Эвел 1-пи машнаъ.)

дйигънайи месэлийрикан гъаплу. Мягъмед Къурбановди, мялимарихъна илтикури, гъаплу: «Учву ичв уьмур асуллу ляхниз – ахю шулайи наслиз абгъовалар ва тербия тувбаз - бахш гъаплунча. Райондин образованиейин къурулуш артмиш апбак ахю пай кивунча. Ичв пишекарвализ, фагъмулувализ ва ахю тажрубайиз кымат даплну ккудубклуз шулдар».

Мягъмед Къурбановди образованиейин работникар пишекарвалин машквархъди тебрик гъаплу ва дурариз мягъкам сагъвал, хушбахтвал ва ляхниъ хъана заан хъуркъувалар ккун гъаплу.

Серенжемдиъ чпин уьмур саб-швнуб насил баяр – шубариз абгъовалар ва тербия туву педагогар Галина Балаева, Агъмед Насиров, Тажутдин Мягърамов, гъацра Хючнаарин гизаф профиларин сабини нумрайин лицейин директор Жейран Къулиева ва жарадар удучивну гъулхну. Дурари райондин образованиейин артмиш`вализ ва педагогвалин ляхнин ветеранариз ахю фикир туврайивалин Мягъмед Къурбановди чухсагул мялум гъаплу ва гележегдиъ райондин образование артмиш апбаан чпин фикрарикан гъаплу.

Серенжемдиъ гъацра Табасаран райондин УО-йин гъвалахъ педагогвалин ляхнин ветеранарин совет тешкил апбаан гъакънаан теклиф дивнийи.

Аххирь Мягъмед Къурбановди райондин образование артмиш апбак лайикълу пай киву педагогариз райондин главайин, Дагъустан Республикайин образованиейин ва илимдин Министерствойин ва профсоюздин тешкилатдин терефнаан Гъюрматнан Грамотийир, ведомствойин наградыир тувнийи.

**Аьбдулмажид РАШИДОВ.**  
**Нурулла РЯГЪИМОВДИ**  
**гъиву шкикил.**

### Рякъярин дережайикан яшайишдин дережа асиллу ву

(Эвел 1-пи машнаъ.)

Табасаран райондин филиалин асас вазифирикан улхури, Уьсман Аьлимирзаевди гъамци гъаплу: «Ич идарайин асас вазифа тикмиш даплнайи ва гъаркатнаъ айи рякъяр хъаднура, къюрднура ужуб къайдайиъ уьрхюб вуйич, гъадму гъисабнаан республикайин ва ерли эгъемиятдин рякъяр. Шаксузди, хъадан ва къюрдун вахтна рякъярийн гъахру ляхнарин арайиъ чан фаркъвалар а. Хъадан вахтна рякъяриз гъуллугъ апбаан серенжемариз гъамцдар ляхнар дахил шула: асфальт улубзнайи рякъярийн духънайи ичлар тялукъ материалхъди иркуб, члур духънайи йишварихъ рякъяр улихъгандин къайдайиз хуб, яни асфальтдин думу сагъун апбаан бадали асфальтобетондин материалдин къат улубзуб, автогрейдерихъди рякъярийн гъирагъяр, рякъяр планировка аплуб, автогрейдерихъди шид гъабгъуру къанавар тикмиш аплуб, хъахъ алабхънайи рякъярийнра дурар рас апбаан тялукъ ляхнар гъахуб. Думутанна савайи, учу духну ккуни ва гъахурайи ляхнарикан ву рякъярийн дивнайи лишнарин столбийриз, сигнал тувбан бадали дивнайи тумбийриз, гъадарин мягъряжариз ва гъацдар жара объектариз шир йивбу, рякъярийн гъирагъяр рукар-кюлерихъан марцц аплуб ва гъацци жарадар.

Гъабгъюрайи йисан рякъярийн айи ичлар рас апбаан ляхнариз 160 тонн, хъа рякъяр дюз алауз 110 тонн



асфальто-бетон ишлетмиш гъаплунча. Хъахъ 880 куб ишлетмиш гъаплунча. Му республикайин эгъемиятдин рякъярийн. Ерли эгъемиятдин рякъярийн расвализ 30 тонн асфальто-бетон ва 220 куб хъахъ ишлетмиш гъаплунча.

Хъа къюрдну гъахру ляхнарикан гъисаб шулу: автогрейдерихъди ясана КДМ машиндихъди рякъяр йифхан марцц аплуб, хиларихъди ясана КДМ машиндихъди рякъярийн миркклуцлиз къаршу материалар рагъуб. Магъа къюрд багахъ шула. Учю октябрь, ноябрь вазари, республикайин ва ерли эгъемиятдин рякъярийн алабхъуз миркклуцлиз къаршу материалар –песок, къил кайи песок гъазур аплури шулча. Думу ляхнарийн гъамустан машгул духънача.

Гъарсаб коллективдин ляхнин нагъийир, шаксузди, душваъ лихурайидарин умуми активваликан, чпин вазифирихъна вуйи янашмиш`валикан асиллу ву.

-Учуж ужулар работникар, чпин вазифийир намуслуди

тамам аплурайидар цлиб адарчуз, -гъаплу Уьсман Аьлимирзаевди. – Дурарин арайин автогрейдерихъ лихурайи Юзбег Аьбдуригъманов, рабочий Низами Ханягъмедов ва жарадар улупуз шулу.

Гъаддихъди сабси, Уьсман Аьлимирзаевди чпик гъалабалугъ кипрайи месэлийрикан гъаплу. Дурарикан варитан асасуб – му гъийин деврин техникайихъди тямин даплну адрувал къайд гъаплунийи. Фици-вушра, читинвалариз дилигди, «РСУ» АО-йин «Табасаран» филиали, лизим вуйи техника арендализ гъадабгъури, райондиъ гъам республикайин, гъамсана ерли эгъемиятдин рякъяр къайдайиъ уьрхъаан хайлин ляхин гъабхура.

Къайд даплну ккундуки, аххиримжи йисари ихъ райондиъ рякъяр рас апбаз, цлийидар тикмиш апбаз улихъгантан артухъди фикир тувра. Дици вуйиб ухъуз думу терефнаан клули гъахурайи ляхнари ачухъди клурахъуз. Райондин гъуларин

арайиъ ва гъуларин айтл вуйидар хайлин дибдиан рас гъаплу ва думу ляхин давам аплура. Гъаму вахтна, месе-ла, Хючна –Хъарагъ рякъхъан Хюриккна 2,5 км рякъ тикмиш даплну ккудубклура, улихънаси Хючна гъулан Цалак мягъялиъ Ражабовдин къочейин асфальт улубзну, Бурганкентдиан Цанакна рякъ`ин асфальт улубзура ва гъацци жарадар.

Гъелбетда, рякъярийн работникарин пишекарвалин машквар, зиихъна къайд гъаплганси, рякъяр тикмиш апбахъди, дурариз гъуллугъ апбахъди, рякъяр тикмиш апбак пай киврайи вари работникарин машквар ву. Гъацци, райондиъ рякъяр тикмиш апбак «Дорстройинвест» ООО-йин, асфальт гъясил аплу заводдин коллективари лайикълу пай кивра.

Рякъ фуну гъуланра варитан ахю девлетарикан гъисаб аплура. Думу девлетар ухъуз яратмиш аплурайидар вари чпин пишекарвалин машквархъди тебрик аплурухъа. Гъит, дурариз гележегдиъ хъана ахю хъуркъувалар ишри. Дурарин хъуркъувалар фукан ахюдар гъахъиш, ухъуз рякъярийн алакъалу вуйи гъулайиваларра гъадмукъан ахюдар хъиди.

**Аьбдулмажид РАШИДОВ.**

**Шикларий:** 1.РД-йин «РСУ» АО-йин Табасаран райондин «Табасаран» филиалин клулин инженер Уьсман Аьлимирзаев. 2.Рякъ тикмиш аплури.

**Нурулла РЯГЪИМОВДИ**  
**гъиву шиклар.**

Спорт

### Юкъв бисбаан турнир клули гъубшну

Октябрин 7-ди Къалухъ Мирзайин ччвурнахъ хъайи спорткомплексдиъ Хив ва Табасаран райондин, Дербент ва Дагъустандин Огни шагъарин саб жерге мектебариз урхурайидарин арайиъ юкъв бисбаан соревнованийр клули гъушну. Спортдин думу ахю серенжем мялимдин Йигъаз тялукъ вуди райондин администрацияйи ва бицлидаринна-живанарин 4-пи нумрайин спортшколайи тешкил гъаплунийи. Хъа турнир клули гъабхуз спонсорвалин кюмек РД-йин Халкъдин Собраниейин депутат Имран Аваевди тувну. Турнир юкъв бисбаан спорт жигъил спортсменарин арайиъ тарабгънайиб ву, гъацци вуйиган, дид`ин машгул вуйи спортсменарин къадарси, дидиз тамаша аплу тамашачийрин къадарра ахюб

шулу. Турнирийн къюби райондин мектебарин 150-рилан зина спортсменар иштирак гъахъну. Душваъ яшнан хъуб категорияйин, яни 2007-2008-пи ва 2015-2016-пи йисари бабкан гъахъи, бицлидар ва живанар иштирак гъахъну. Думу талитар умуми гъисабниинди 26 гъагънан категорияйиз пай гъаплунийи. Талитарийн ихъ райондин спортсменари чпиз ужуб гъазурлугвал айивал улупну. Соревнованийрин нагъижайиъ ихъ райондин командайи сабини йишв, Хив райондин командайи къюбпи йишв, Дагъустандин Огни шагъарин командайи шубуппи йишв гъадагъну.

Турнирин аххирь «Табасаран район» МР-ин администрацияйи (Аххир 7-пи машнаъ.)

15-пи октябрь - Варидюн'яин гьулан дишагълийрин йигъ

Къавкъаз бадали  
жигъан 80-йис хьпаз

## «Гьулан дишагълийир лихуз кӀубнидар ву...»

Варидюн'яин гьулан дишагълийриз бахш дапӀнайи машквар цӀийи машкварикан саб ву. Ав, ихъ гьуларин дишагълийир дициб машквраз лийикълу ву. Гьулан дишагълийин гьюнариин хайлин гьагъишна алахьуру. Гьулан дишагъли «диплом» адру вари пиширин эйси ву гьапишра, кӀучӀал дар, гьаз гьапиш, гьулан дишагълийир гьартерифлу артмишди вуйидар, варибдикан агьюдар, фунуб ляхина хил'ан удукьрудар шулу. Гьулан дишагълийири зигурайи зегьметназ лигну, ихъ алверин точкйири гьаригъан таза уьл, йикк, никк, ччим ва жара продуктар шулу.

15-пи октябрь кьайд аплу Варидюн'яин гьулан дишагълийрин йигъ, гьулан дишагълийириз фукъан буржлу, дурарин зегьмет фукъан кьимат айиб вуш, жямьатлугъдиз кӀваин аплбан бадали кьайд аплурайиб ву. Гьулаь дишагълийин роль ахьюб, сарихьанра батӀил аплуз даршлуд вуйивалин вари гьавриь а.

Кьайд дапӀну ккундуки, ухдихьанмина хулан мяишат, хизандин, дадавалин гьайгъушна дишагълийин гьюнариин ал. Танхлиан хю, тахил, мал-кьарайиз ккабхьруб ккудубкӀураш, дидин гьакь-гьисаб аплур ахьирхьси дишагъли, яни хулан мяишатдин вари мезлийр гьал аплбан кӀакӀначи, гьулан дишагъли ву. Хьа шадвалин серенжмар, гьабкӀиб-чӀивибдин гьаракатар-думу ляхнарра гьулан дишагълийи хьайи-хьайибси тамам аплуру. Дициб шараитдиь аргъаж шулайи баяр-шубар ляхнихъ юкӀв хьади, гьулаь тамам аплру ляхнар ахьюдарихьан аьгью аплури, аргъаж шулу. Дюз гьапиш, гьийин деврин саб жерге гьулан дишагълийириз улихьдин деврикьан ахью зегьметниинди лихувал алабхьурадар, хьа вушра...

Статистикайин улупбари шагьидвал аплурайиганси, Урусатдиь яшамаш шулайи вари дишагълийири арайинан 21 миллиондилан зина дишагъли гьуларий яшамаш шулайидар ва гьулаь лихурайидар гьисаб шула. Гьулан дишагълийир вари циркларий лихура.

Варидюн'яин статистикайин улупбарин мялум шулайиганси, жилиин али инсанарин кьадарна юкьуб пайтӀан зина дишагълийир ву. 90 процентдихьна гьулан дишагълийир гьулан мяишатдин цирклий лихура, яни гьулан мяишатдин продукция гьясил аплбин машгьулди ву. ИтӀру-ухру сурсатар гьясил аплбак, гьулан регионарин артмиш валик дурарин ахью пай ка. ДумутӀанна савайи, дурари бицӀидариз, яшлуириз, аьзарлуириз хьайивалра аплуру, хизандин гьайгьура зигуру. Статистари кьайд

аплурайиганси, жилиин яшамаш шулайи 76 процент цӀибди тяминди вуйи агьалийр гьуларий яшамаш шула. Гьулаь жилиин лихури, дурари чпин хизандин дуланажагъ аплура.

Ав, гьулан мяишатдин цирклийтӀан савайи, гьулаь мялим, духтур дишагълийири яшамаш шула. Чпи ктабгьу пише намуслуди кӀулиз адабгьувалтӀан савайи, дурари гьулан мяишатдин продукция гьясил аплбакра чпин пай кивра. Саб гафниинди, гьулаь яшамаш шулайидариз жилиин лихуз ужуйи аьгья. Экспертарин гьисабариинди, артмиш шулайи уьлкйири гьулан мяишатдин продукция гьясил ва тартиб аплбин 43 процент дишагълийир машгьулди ву. Дурарин кьадар фукъан вуш, дюз цифрийр адар, хьа, жюрбежюр улупбариинди, дюн'яий лихурайи дишагълийирикан гьарсар шубурпир гьулан мяишатдин цирклий лихурайиб гьисаб шула.

Мисалназ, гьадабгьухьа ихъ уьлке. Росстатдин улупбариинди, ихъ уьлкейин регионарик варитӀан гизаф агьалийр Краснодар крайин гьуларий (2,52 миллион кас) яшамаш шула. Кьюбпи йишв'ин Дагьустан Республика (1,71 миллион кас), шубубпи йишв'ин Башкортостан (1,50 миллион кас) ал. Му регионарин гьуларий яшамаш шулайидарин ва жилиин лихурайидарин ахьюну пай дишагълийир ву.

Улихьна йисари райондин гьулариз учу командировкайиз гьушиган, гьулан дишагълийирихьди гаф-чӀал, дурарин ккудубшу ва гьийин деврин уьмрикан гьархбар аплури шуйча, гьамусра, гьулариз гьушиган, думу ляхин давам аплурча. Гьийиз макьалайиь, ахьиримжи йисари гьулан дишагълийин уьмур фици дигиш дубхьнаш, улихьдин деврин дишагълийин гьайгьушна фицдар вуш, жикьиди ачухъ аплуз ккундуз.

Кьуярик гьулан агьали Аминат Мягьямедова улихьдин деврин гьулан дишагъли ву (гьамус думу шагьрий яшамаш шула). Гьулан дишагълийирикан гафар-чӀалар аплруган, дугьу гьамци гьапнийи:

- Вариди шагьрий ужуйи ву гьапишра, хьугьурдарза, гьулан уьмрихъ хьубкьруб адар. Гьулан дишагълийир ляхин аплуз кӀубнидар шулу. ЯгъчӀвур йис яшназ гьайиз гьулаь яшамаш гьахьир вуза. Гьулаь бабкан гьахьир, гьулабалихьди хал-хизан ккебгьур, гьулан кевшанарий зегьмет зигури гьахьир вуза, гьий шагьрин гизаф мертебайин хуларикан сабнубдин йицӀубпи мертебайиь яшамаш шулаза.

Сифте, жикьий вахтна вушра, узу яшамаш гьахьий гьулан уьмрикан ктибтидиза.

Ав, инкар аплурдархьа гьулан гьайгьушна ахьюдар, ккудудукӀрудар, эргрудар шулу. Гьадар вари вушра, гьулаь яшамаш шлуган, юкӀв архаинди, шадди, гевюл ачухьди, саб гафниинди, хлинцар каш, тӀирхарза кӀурбуси, шулу. Гьаму девриндариз дици вуш-дарш аьгьдарзуз, хьа ич деврий гьади вуйи. Думу вахтари гьулан дишагъли гьириндин гьудгнихьди гьудужвуйи, хьитӀирхвандин гьудгниз дуган гьайгьушна ккудудукӀурдайи. Гьади шуйи гьаригъан. Хулан, чӀатан вари ляхнар гьулан дишагълийи тамам аплуйи, хьа гьулан жилар ахьирхьси жара йишвариз гьазанмиш аплуз гьагьуйи. Яшлу жиларин, дишагълийири, жигьил шубарин, живан баярин дестьир жа-жаради хьадан чюлин ляхнариин машгьулди шуйи. Хьадан чюлин ляхнариин, халачайин цехарий лихурайидар, сумчрий айиганси, шуйи. Ужуб ляхина хил'ан гьуйи. Гьулан вари ляхнар ми-мидарди мил дапӀну тамам аплуйи. Гьади вуйиган, ляхина улихъ гьабгьуйи. Думу вахтари гьулан агьалийри тукандиан анжах хю, шекер, гьафатар ва жара жвилли шейэр масу гьадагьуйи. Имбудар вари чпи гьясил аплуйи. Хьа ич ахью бабу, чпин деврий алабхьру палат, ликариин алахьрудар дирхузра ирар чпи урхури, лиар тартиб аплури шуйча, кӀури шуйи. Гьулаь цӀийи хулар тикмиш аплруганра, вари гьуларидар гьванар хьахьуз, батӀур гьазур аплру даграк шид кубз гьуйи, тикмиш дапӀну ккудукӀиган, хуларин цалар катӀуз гьулан агьалийриз мил аплуйи. Гизаф кьадар мал-кьара уьбхуйи, кьордуз гьеебцу йикк гьазур аплуйи. Кьордун йишвну кьорд-чпихъ деуз гьагьуйи. Яшлуийр, сарин айвандихьна уч шули, гьулан хабрар, ихтилатар ктитури, деуйи. Думу деврий жигьилари яшлуийриз ахью гьюрмат аплуйи. Гьулан дишагълийир сабурлудар, абурлудар, вари ляхин хил'ан удукьрудар шулу. Жараб дарш, жуван кевшанариин битмиш гьабхьий йимишдихъ, жуван гьаятдиь хюндиккан ккудубзу никкдихъ, гьулан шюхьйри ахью муртйирихъ хьубкьруб фу а? ФукӀа.

Магьа шагьрин уьмур хьаплрира сумчӀур йистӀан зина вуйиз. Сар байна хьурриш азуз. Шубар гьарур чпин хизандихьди яшамаш шула. Бай Урусатдиь яшамаш шулайи, хьа гьамус чан хизандихьди Мягьячгьала шагьриз удучӀвну гьафну. Жилир кечмиш гьахьиган, бали узу чухьна хьади гьушну. Балин хпир урус миллетдикан ву. Гьади вушра, дурарихьди хайлин йисари яшамаш гьахьунза. Увуз, яшлуийиз, сесер адарди сарди яшамаш хьуз

ужуйи ву кӀури, бали хьуд йис улихьна узуз жаради квартира масу гьадабгьну, гьамус гьадушваь яшамаш шулаза. Шагьрий му уьмур дар. Кючейиз удучӀвуз ккунду кӀури, шулдар. ЙицӀубпи мертебайиан исизди удучӀвуз гьулайди дар. Лифтдиьди гьагьюз гучӀурзуз. Гьади вуйиган, йигъ гьабгьюриз айванди-хьан кючйириь ай инсанариз лигури. Саб гаф-чӀал аплуз ужур адар. Гьулан уьмур нивкӀукдикан рябкьюз ккунийи, кӀури шулаза...

Гьийин деврин дишагълийири уьмрикан Дарвгьан Сиде Алимвайи, Хючнан Эльмира Рьгьимвайи, НичӀрасан Амина Мягьямедовайи (мурар 25-35 йис яшнаь айидар ву) гьамци гьапнийи:

- Учү совет уьлке дабгьну имбу йисари бабкан гьахьидар вуча. Думугандин читинваларина дицикьан гьаврий гьахьундарча. Совет уьлкейин ва дидин кьаляхъ йисарин гьулан дишагълийири уьмрикан ич ахью бабари, дадйири кми-кмиди ктибтури шулу. Учүз дурар махьварси гьугьужвурчуз. Ав, гьийин деврийра ихъ гьуларий, думу деврийси, хулан мяишатдин, чюлин ляхнар тамам аплури ими. Хьа гьийин деврий цӀийи технологйир гизаф арайиз удучӀвна, гьади вуйиган, гьийин деврин гьулан дишагълийириз хайлин гьулайивалар тешкил дапӀна. Мисалназ, гьарсаб хулаь шид, газ а, гьулариз ужудар рякьяр тикмиш дапӀна, асфальт улубзнайи рякьярин кьадар артухъ шула. Шагьриз дурушишра, лазим вуйи шейар райондин, гьуларин тукандиан масу гьадагьуз мумкинвал а, гьеле туканди дурушишра, тукандийи чав хулаз хура. Тамам аплру ляхнарикан улхуруш, думугандинси гьагьий, вари хилихьди тамам аплру ляхнар лап цӀиб духьна. Гьарсаб хизандий аргъаж шулайи бицӀидарин кьадар думугантӀан кьюб ражари цӀибди ву. Мушваз, тушваз рягьятвал йивуз гьагьювал артухъ шула. Саб гафниинди, учүз гьулан ваь, хьа шагьрин дишагълийир пуз хай шул, гьаз гьапиш ахьиримжи йисари гьулан агьалийриз шагьристанаризстар яшайишдин шараитар яратмиш аплура. Тамам аплру ляхнарикан улхуруш, ляхин аплуз ккуни касдиз ляхина бихьуру...

Гьулан дишагълийири саб ляхнихьанра гучӀурдар. Дурари хизандин артмиш вализ, гележегдиз чпин кьувват гьайиф аплурдар. Гьит ихъ гьулан дишагълийири гьайгьушна цӀиб, дурариз гьулайивалар артухъ ишри.

**Угьлангерек  
АБДУЛКЕРИМОВА,  
отделин редактор.**

## Снарядар метлебназ

### ГЬАГЬЮЙИ

(Эсед Гьагьиевдин «Думу ярхла йисари» китабдиан кьатӀ).

Душмандин Моздок шагьур дибиснайи. Дугьу Грозныйин ва Бакуйин нафт хилиз бисуз гьаракат аплурайи. Гьадму гьагьийи гьарийи Грозный шагьрий Кафари Кавказдин халкьарин жигьиларин фашистариз кьаршу митинг гьабхьнийи. Президиум шлу стилин багахьна, цӀибди ликуди, мухриин «Уьру Пайдагь» орден али жигьил гьафнийи. Думу митингдин председатель, кьодварж ражари завуз удучӀву, йицӀубариинди гьавайин кчӀихбарий гьахьий летчик Валентин Эмиров вуйи.

- Юлдшар! Чвийр ва чийр! Дявдин дустар!- яваздиси ккебгьу дирбаш летчикди.- Гьагьий, гучӀ айи сьаьтди уч духьнахьа. Фашистари Кавказдиз гьаракат аплура. ихъ кюкдин багьсиб вилайт дурарин биябурвализ ва тӀараш вализ тувдин? Ухьү немец лукӀвализ учӀвдин? Ваь! Гьич саб вахтнара думу хьибдар! Ухьү гьий жигьил ваганперверариз кӀурухьа: эгер душман дагьлариз гьитиш, уву эскер дара. Эгер аба ва баб аьжлиз тувши, ккуни шуран намуснак кучуз гьитиш, уву кавказ агьали дара. Яракьдихьна, жигьил дагьлуийр! Ухьү гьалиб хьидихьа!

Му гафари Лижва гьул'ан вуйи жигьил Шихкерим Керимовдин душмандихьна дубхьнайи хьал хьана артухъ гьапӀнийи. Магьа садпи йивбар, багьри Ваган азад аплӀайиз вуйи рякьюн сифте кӀул думу Моздок шагьрихьан ккебгьнийи.

1943-пи йис. Февраль ваз. УргӀурпи полкнү, гьизгьин кчӀихбар гьахури, совет гьулар душмандихьан марцц аплурайи. Бязи вахтари гьулар сабшвуб ражну хил'ан хилиз гьуйи.

Немцари полкнан оборона кьатӀ гьапӀган, фици-вуш саб кьадар эскер полкнахьан жара гьахьнийи. Дурарин арайиь взводдин командирин заместитель Керимовра айи. Дурариз чпи немцарин кьаляхьинди алдахьнайиб аьгью гьабхьий. Взводдин командири оборона бисбан амур гьапӀлу. Барабар дару кчӀихбарий бицӀи дестейи хайлин вахтна душмандихьди дяви гьабхуру.

Магьа командирин кубкьна. Дугьу командирвал старший сержант Керимовдиз табшурмиш аплуру. Шихкеримди чан хусуси дирбаш валиинди эскер рюгьламиш аплури шулу. Сабдупну ярхлаанси «Ура!» ибарихъ хьтӀабхьнийи. Керимов айи полк тму терефнанди улихъ гьурайи.

- Гьаракат аплӀнайи, пулемет либухурайи йишвахьинди гранатарин жвар алапӀайи, - амур гьапӀлу командири, хьа чав, немцар чашмиш хьувалин муддат ишлетмиш аплури, улихъ гьузу, кьюб гранат чиб-чпихьди гагӀахьү, командирихьди эскерра гьушу.

Диди, улихъ гьурайи полкнан эскер гизаф зяя дархьиди, душмандин сьаргьят гьадабгьуз кюмек гьапӀнийи. Старший сержант Шихкерим Керимовдиз «За отвагу» медаль тувру.

## Из истории Тинитской средней школы

По постановлению Советского правительства впервые в 1925 году в селе Тинит была открыта светская школа.

Эта школа располагалась в доме жителя села Тинит по имени Сефер. Этот человек по своему желанию передал свой дом для открытия светской школы. Первым учителем этой школы работал уроженец села Цмур Кюринского округа Исаев Иса, ранее работавший муллоу в селе Тинит, который порвал с религией и стал учителем светской школы.

В это время одновременно со светскими школами при мечетях работали и религиозные школы. Как только Исаев Иса, оставив религиозную школу, перешел в светскую, вакантное место при мечети занял житель села Вакьялар Кюринского округа малла Рамазан. Так в селе Тинит стали работать два лезгина: один в религиозной, другой в светской школе.

Письмо в первой светской школе села Тинит основывалась на тюркской графике, а с 1929 года - на основе латинской графики.

Первыми учениками новой школы были дети уроженцев тех сел, которые входили в Тинитский сельсовет: Казимагомедов Нуралы, Нуров Басир, Казибалаев Сейфутдин, Уруджев Келбюссий, Сеидов Гюл, Мерденов Зияр, Дадашев Пирбай, Ханахмедов Пирбай и другие.

Сначала в светскую школу молодежь шла с неохотой: в те времена молодежь, которая не ходила на учебу в медресе при мечети и посещала светскую школу, как их родители, считалась безбожниками, еретиками! И первому директору школы Темирхану Шалбузову предстояло решить этот вопрос. После принятия конкретных и решительных мер совместно с местными органами молодежь с радостью стала посещать светскую школу и овладевала знаниями.

В эти годы молодежь не только ближайших селений, но и далеких Ерсин, Хив, Кужник, Сиртыч и других сел стала посещать эту школу. Так, бросив учебу в медресе, пришли в светскую школу сел. Тинит: из Хива - Абумуслим Джафаров, Агаев Агамагомед, Габиев Азиз, из Маждула - Абдуллаев Магомед; из Ерсин - Амирханов Джамал, Амирханов Эскендер; из Татили - Балабеков Гаджи; из Цанак - Ибадов Ибад; из Хили-Пенджика - Исмаил, Нефтулла; из Тинита - Дадашев Мирзагусей, Шахбазов Аличубан, Абдулазизов Идрис, Мерденов Зияр, Рамазанов Карахан, Рамазанов Мутеллим; из Ружника - Наврузов Гюльбай, Халибеков Аслан, Гаджиев Загир; из Хулюга - Ахмедов Сефер, Велибек; из Джахтыга - Ибрагимов Шафи, Магомедов Мирзахан, Гюлев Уруж; из Дашлукента - Маллабаев Тажутдин, Алиханов Мирзабек, Шихов Ших, Маданов Магомедали, Ризаев Пир; из Хуряка - Ахмедов Дадашбай, Исмаилов Сулейман,

Балабеков Магомедбек; из Туруфа - Насуров Фейтулла, Эфендиев Летиш.

В 1929 г. в школе была организована первая комсомольская ячейка. Эту ячейку возглавил Ахмедов Сефер из Хулюга.

Первыми комсомольцами стали Абдулгусейев Мирзафер, Меджидов Кефчи, первая комсомолка-горянка - Халибекова Хатунага. Если обучение до 1929 г. велось на базе тюркского алфавита, то после этого сразу начали читать и писать на базе латинской графики. Как только перешли на латинскую графику, авторитет школы еще более возрос, и ее начали посещать не только мальчики, но и девочки-горянки: Эскерова Углан, Агаева Тамара, Кафарова Гюльханум, Эсрефилова Кизбика, Хакимова Севдет, Магомедова Муслимат и другие.

В это время в селении Аркит открыли ШКМ (школа крестьянской молодежи) и туда были направлены из Тинитской школы учителями следующие учащиеся: Абдуллаев Мирзафер, Ахмедов Сефер, Абдулазизов Идрис, Эскерова Углан, Агаева Тамара. После этого авторитет Тинитской школы возрос и распространился во многих селах. Сюда начали приходить юноши и девушки из Хива, Яргли, Лика, Кандика, Ярака, Зирдага, Межгуля, Черев Хивского района, а позднее из верхнего Табасарана и Кайтага. В те годы директором Тинитской школы работал Байрамов Сеферали, учителями - Кахриманов Гаджитагир, Наврузов Магомедали, Кочергина Лидия.

С середины 1934-35гг. Тинитская начальная школа была переименована в семилетнюю школу, и директором работал Карагадаев Мирзабала из селения Орта-Сталь, который был учителем данной школы с 1932 года. В середине этого учебного года, после окончания Дербентского педтехникума, в школу пришли учителями Кулиев Казиахмед из Марага, Гюльмагомедов Габидула из Арака, Михайлова Александра, Кочергина Лидия, Рагимов Зухраб, Магомед-Садыки-Галиби из Ашага-Сталя.

Начиная с 1933 года, занятия проводились в новом здании школы, расположенном в саду Саида, который добровольно отдал свой сад под строительство отдельного школьного здания. В 1934-35 учебном году при школе был открыт первый интернат. В интернате на полном государственном обеспечении содержались юноши и девушки. Столовая интерната была расположена в доме Абдуллы.

Первыми девушками-горянками, которые пришли в интернат из далеких селений, были: из Черев - Ахмедова Бажиханум, Беглерова Ума, Ферзилова Периханум; из Чулата - Ильясова Бичес.

В то время в Тинитской школе работали и русские учителя: Михайлов Иван Павлович, Морозова Александра Филиповна, Долгополова

Раиса, Михайлова Вера Михайловна.

В 1937-38 учебном году данная школа была переименована в полную среднюю школу, и сюда директором был направлен Герейханов Кадыр - учитель с высшим образованием из Мугарты. Завучем работал Гюльмагомедов Габидула. Материальная и учебная база была еще очень слабой, даже не хватало основных учебно-письменных принадлежностей, но тяга учащихся к знаниям была очень высокой и активной. На целый класс было всего один или два учебника, а школьных тетрадей вовсе не было, но при этом дети учились с большим интересом.

За высокие показатели в учебно-воспитательной работе директор школы Герейханов Кадыр был награжден орденом «Трудового Красного Знамени». В Хивском и Табасаранском районах он стал первым человеком, удостоенным высокой правительственной награды. Этот простой горец, сын пастуха, лично из рук М.И.Калинина принимает эту награду.

С того времени Тинитская средняя школа стала настоящей кузницей кадров для районов. Вот фамилии тех, кто обучался в те годы в Тинитской средней школе и потом стали авторитетными руководителями района и республики: Курбанов Рамазан из с. Шиле, который многие годы работал секретарем Табасаранского РК КПСС, Рамазанов Адам из Турага долгие годы работал судьей и прокурором района, а позднее стал членом коллегии Верховного суда Дагестанской АССР, Рамазанов Кадырбек из Сиртыча, Абдуллаев Нигмат из Аркита, который работал секретарем Табасаранского РК ВЛКСМ, Магомедов Тажутдин из Ружника, работал ответственным редактором газеты «Колхозная жизнь», Курбанов Агабек из Сиртыча - был заведующим отделом культуры района, Магомедов Уруж - райуполминзаг, Агадашев Агакерим из Зирдага - секретарем райкома, Магомедов Мирзахан - секретарем райкома, Гюлев Уруж - председателем райисполкома, Кулиев Садулла - вторым секретарем РК КПСС, Курбанов Кадыр - полковник КГБ ДАССР и другие.

Тинитская средняя школа гордится такими выпускниками.

В первые дни Великой Отечественной войны добровольцами ушли на фронт во главе с директором школы Герейхановым учителем: Идрис, Мирзафер, Велибек, Алисултан и другие.

Вместе с учителями отправлялись на фронт и десятиклассники выпускники: Караханов Гаджи, Шихмагомедов Ханмагомед, Рамазан, Рагим, Мустафа, Кахриман, Абдурашид, Тажутдин, Чайда. На смену мужчинам, которые ушли на фронт, учителями приехали из России молодые преподаватели: Кузьмина Валя, Михайлова Вера, из

местных - Казанфер, Шамиль, Гайдар, Гаджи. Они организовали сбор средств и теплых вещей для отправки на фронт. Своим славным трудом они оставили в истории села незабываемый след.

Директорами Тинитской средней школы в разные годы работали: Шалбузов Темирхан - до 1930 г., Байрамов Сеферали из села Хучни (1930-1934 г.г.), Карагадаев Мирзабала из села Мугарты (1934-1937 г.г.), Ахмедов Гайдар, Магомедов Магомедсаид, Адам (1941-1946 г.г.), Кулиев Казиахмед (1946-1951 г.г.), Ибрагимов Нажмутдин (1951-1952 г.г.), Гюльмагомедов Габидулаиз Арака (1952-1953 г.г.), Гаджимагомедов Ферезулла из с. Цанак (1953-1954 г.г.), Велиханов Велихан (1954-1958 г.г.), Рустамов Гаджирамазан (1958-1961 г.г.), Кельбюссеев Нурипаша (1961-1963 г.г.), Мирзабеков Мирзаага (1963-1986 г.г.), Уруджев Низамутдин (1986-2016 г.г.), Фатахов Абдулфатах - с 2017 года по настоящее время.

Хочется назвать имена бывших выпускников: Имамова Имама Ахадовича, который первым окончил Московскую высшую партийную школу, получил еще два высших образования, работал инструктором обкома и райкома КПСС, директором МТС и долгие годы работал директором Чулатской средней школы; Курбанова Кадыра Курбановича, после окончания Московского института международных отношений работал в посольствах в Турции, Тунисе, Алжире и на ответственных должностях КГБ Дагестана; Рамазанова Тажутдина Бургановича, профессора, доктора юридических наук, проректора ДГУ; Ибрагимова Гасанагу Шафиевича, доцента Дагестанского Политехнического Университета; Кулиева Сядулла Казиахмедовича, долгие годы проработавшего вторым секретарем райкома партии; Рагимова Махмуда Мирзакеримовича, кандидата медицинских наук, военврача; Бедирханова Сулеймана Магомедхановича, проработавшего председателем райисполкома; Сулейманова Ариф Летифовича, заместителя декана юридического факультета ДГУ, кандидата юридических наук; Уруджеву Избат Нухтаровну, члена Союза художников Дагестана; Сулейманова Магомедгаджи Багаутдиновича, генерального директора атоммашстроя в г. Москве; Алибекова Алибека Демюрбековича, генерального директора управления дорожного строительства в г. Москве; Расулову Ферезулле Дадашбаевича, долгие годы работавшего вторым секретарем Дербентского райкома партии и многих других.

Сегодня с большой гордостью можно сказать, что основание Тинитской СШ дало возможность не только ликвидировать безграмотность среди населения, но и подготовить местных специалистов с высшим образованием.

**Ш. М. ВАГИБОВ,**  
заслуженный учитель РД.

## К сведению населения

**«Газпром межрегионгаз Махачкала» напоминает: показания счётчика передаются поставщику газа регулярно до 25-го числа каждого месяца.**

Если не передавать показания счётчика газа? то:

– первые 3 месяца расчёт объёма газа ведётся по среднемесячному потреблению,

– начиная с 4-го месяца расчёт производится по нормативам потребления газа.

Если показания не передавались более трёх месяцев подряд, чтобы возобновить начисления по показаниям счётчика, абоненту необходимо написать заявление в территориальный участок по месту жительства для снятия контрольных показаний прибора учёта и ждать прихода контролёра газового хозяйства.

В случае выявления нарушения в работе прибора учёта газа или вмешательства в счётный механизм прибора, ранее начисленный по среднемесячным показаниям либо по нормативу объёма газа предъявляется к оплате.

Передать показания счётчика газа можно:

в «Личном кабинете абонента» на сайте компании [www.mkalaintrig.ru](http://www.mkalaintrig.ru);

в мобильном приложении «Мой ГАЗ» на платформе Android или «Газ Онлайн» на платформе iOS;

по телефону Контакт-центра 8 800 20098 04 в рабочие дни с 9 до 18 часов (звонок бесплатный); указать текущие показания счётчика в квитанции при оплате газа.

### Извещение о заключении /перезаключении/договоров на ТО ВДГО/ ВКГО

Уважаемые абоненты! Извещаем вас, что до конца 2023 года будут проводиться мероприятия по заключению /перезаключению/ договоров на техническое обслуживание (ТО) внутридомового и внутриквартирного газового оборудования (ВДГО и ВКГО), согласно Федеральному закону №71 от 18.03.2023 года «О внесении изменений в статьи 2 и 3 Федерального закона «О газоснабжении в Российской Федерации» и «Жилищному кодексу Российской Федерации».

В связи с чем вам необходимо обеспечить доступ работникам ЭГС Табасаранского района для заключения /перезаключения/ договоров на техническое обслуживание (ТО) внутридомового и внутриквартирного газового оборудования (ВДГО и ВКГО) в период с 09:00 до 17:00 (в будние дни).

В случае невозможности обеспечить доступ в предложенное время, просим вас в течение 7 дней со дня получения настоящего извещения информировать нас способом, позволяющим определить дату получения нами такого сообщения, о возможных дате (датах) и времени допуска представителей ЭГС ООО «Газпром газораспределение Дагестан» для проведения указанных мероприятий, либо вы можете заключить /перезаключить/ договор на ТО (ВДГО и ВКГО), обратившись в ЭГС Табасаранского района, который расположен по адресу: РД.Табасаранский район, с.Хучни, улица больничная 2 «А».

Также информируем вас, что согласно п.80 «Правила пользования газом», утвержденным Постановлением Правительства РФ № 410 от 14.05.2013 года, отказ абонента 2 и более раз в допуске представителей специализированной организации для проведения работ по техническому обслуживанию (ТО) внутридомового и внутриквартирного газового оборудования (ВДГО и ВКГО) является основанием для приостановления подачи газа.

**Руководитель ЭГС Табасаранского района**  
**Гюлов Г.С.**

## Намуслу зегьметназ – лайикьлу кьимат

Дагъустан Республикаин Глава Сергей Меликовди улихнаси чан Указниинди «Дагъустан Республикаин культурайин лайикьлу работник» ччур тувдарин арайиь их райондин центральный библиотекойин директорин заместитель Дюньяханум Пирбалаевна Ханягмедова а.

Гизаф йисари гъизигу намуслу зегьметназ вуйи лайикьлу наградайихди тебрик алури, Д. Ханягмедовайиз гележегдидра жандин сагвал, табасаран культура артмиш аплбаъ хъана заан хъуркьувалар ккун алураха.

Гьелбетда, мициб заан наградайиз лайикь хъувал буш йишв'ин арайиз гъюрдар, думу гизаф йисари гъизигу намуслу зегьметназ натижа ву.

Ханягмедова Дюньяханум Пирбалаевна 1980-пи йисан октябрианмина их райондин центральный библиотекойин лихури а.

1986-пи йисанмина 2012-пи йисаз думу игътияжарин отделин заведующий, 2012-пи йисанмина 2019-пи йисаз «Табасаран район» МР-ин «МЦБС» МКУК-дин директор гъахьну, хъа гъамусяаьтна



«Табасаран район» МР-ин «МЦБС» МКУК-дин директорин замистителди лихура.

Дюньяханум Пирбалаевна Ханягмедовайиз лихуз хъюгъханмина учв чан ляхин ккуни, жавабдар пишекарси улупну. Коллективдидра дугъаз гизаф ад, гъюрмат а. Думу коллективдихъан, ляхнихъан гъарган юк'ив убгру кас ву.

Мисалназ, «МЦБС» МКУК-

дин директор вуйи вахтна, 2014-пи йисан 2019-пи йисаз, Дюньяханум Пирбалаевна шубубан республикойин «РД-ийи ужуб-сиб библиотека» конкурсди иштирак ва 100 агъзур манат грантдин сагъиб гъахьну. Думу пул центральный библиотека рас алуз валзим вуйи мебель гъадабгъуз ишлетмиш гъаплнийи.

Ханягмедова Дюньяханум Пирбалаевнайин зегьмет РД-ийн культурайин Министерствойин Гъюрматназ грамота, «Табасаран район» МР-ин администрацияйин Гъюрматназ грамота ва райондин Главайин ччурнахъ вуйи сьаьт тувбиндира лишанлу дап'на.

**У. Къурбанова,  
Н. Рягъимовди  
гъиву шикил.**

## Юкъв бисбаан турнир к'ули гъубшну



(Эвел 2-пи машнаъ.)  
цияйин главайин заместитель Заур Мусаевди жигъил насли уьмрин сагъу къайда хъаплбан бадали, спорт артмиш алуз их райондин Глава Мягъмед Къурбановди гизаф фикир туврайиваликан, шараитар яратмиш алурайиваликан гъаплнийи. Гъалиб гъахьидар ва призерар кубкйирихди, Гъюрматназ грамотйирихди ва медаларихди лишанлу

гъаплну. Думутанна савайи, ужуб гъазурлугвализ, гъалибвалихъна вуйи гъяракатназ лигну, соревнованийриз бицидар гъазур гъаплу тренарар кубкйирихди, кьиматлу пешкешарихди лишанлу гъаплнийи.

**Фарзилат  
РАЖАБОВА.**

**Н. РЯГЪИМОВДИ  
гъиву шикил.**

## Шадвалин шараитдиъ рягъятвализ гъаьну

К'иваз ккуни пишейихди фукъан баркаллу якъ ккадап'ишра, ахью гъюрмат гъазанмиш гъапл'ишра, лайикьлу рягъятвализ гъагъру вахтра улубъуру.

Улихъна йигъари Хючнаарин гизаф профилар айи сабпи нумрайин лицейи гизаф йисари, яни гъац' аьсриь, чпин уьмур жигъил наслиз аьгъювалар ва тербия тувбаз бахш гъаплу кьюр мялим-дишагъли лайикьлу рягъятвализ гъаьбан шадвалин серенжем к'ули гъубшну. Душваъ тарихдин ва обществознанийин дарсар киврайи мялимар Хадижат Къулиева ва Людмила Исаева лайикьлу рягъятвализ гъаьну. Серенжемдиъ лицейи ляхин алурайи мялимар меъли суфрайихъ деъну, думу лицейин директор Жейран Къулиевайи му лайикьлу мялимари гъизигу баркаллу зегьметнакан, мурарин инсанваликан, жигъил мялимариз туву тажрубайикан гъаьну. Мурарихди хайлин йисари лихурайи, ва мурари тажруба туву жигъил мялимари мурариз чухсагъулин хайлин гафар гъаьну, ва гележегдиъ миогъкам сагъвал, к'иван шадвал, хтулар, гудларихди шадди вахт адап'лу ккун гъаплну.

Хадижат Къулиева Арак гъулаъ гъуллугъчийин ахью хизандиъ бабкан гъахьну. Къялан образование Огнийин «Дагълу дишагъли» мектеб-интернатдиъ гъадабгъу, Мягъачгъала шагърий ДГУ-ийи урхуз уч'ивну. 1972-пи йисан ДГУ-ийи тарихдин факультет ккудубк'лу жигъил пишекар Хючнаарин къялан мектебдиъ лихуз хъюгъну, гъадму йисан Хючна гъулан агъали Низамутдиндихди эвленмишра гъахьну.



1975-пи йисан ВЛКСМ-дин райкомдин тешкилувалин отделин заведующийди лихуз хъюгъну. 1980-пи йисан «Табасаран» КПО-ийн парткомдин секретарди ктагъну, душваъ лихури гизаф вахт гъабгъайиз райисполкомдин председателин заместителди ктагънийи. Думу ахью жавабдарвалин гъуллугъчийин йиц'луд йисан лихури, му чан ляхнихди къюб-шубуб ражари дурушу гъул райондиъ имдайи. Гъадму йисари Хадижат Къазялиевна призывдин комиссияйин председателра вуйи. Шубуб созывди му райондин советдин халкъдин депутатдира ктагънийи. Ляхин гизаф ахью жавабдарвал айиб вуйи. Социалин сфера, ерли промышленность курировать алуи, диндихди аьлакьалу месэлийриз лигуйи. 1975-пи йисанмина КПСС дабгъайиз дидин жергйи-

рий айи. 1992-пи йисан, хизандиъ арайиз гъафи аьгъвалатдихди аьлакьалу вуди, чав зегьметнакан садпи гамар алдагъуз хъюгъу Хючнаарин къялан мектебдиъ тарихдин дарсар кивру мялимди лихуз хъюгъну. Сентябрьин аьхиризкъан душваъ лихури ими. Гизаф йисари мугъу гъизигу марци зегьмет гъюкуматдин терефнаанра гизаф ражари Гъюрматназ грамотйирихди, чухсагъулин кагъзарихди лишанлу дап'на. Гъац'ира мугъаз «РФ-ийн илмин ва просвещенийин лайикьлу работник» лишанра а, зегьметназ ветеран ву.

Къизлар райондиъ бабкан гъахь Людмила Павловна Исаева душваъ къялан мектеб ккудубк'лур гъадму йисан Мягъачгъала шагърий Дагъгосунивер-

ситетдиъ тарихдин факультетдиъ урхуз уч'ивну. Университет ккудубк'лайиз чухди урхури гъахь табасаран бай Руслан Исаевдихди хизанра ккебгънийи. Чан къисмат мугъаз Табасаран райондин Хючна гъулаъ гъибихънийи. Университет ккудубк'лу жигъил пишекар Людмила Павловна 1973 – пи йисан Хючнаарин къялан мектебдиъ лихуз хъюгъну. Жигъил наслиз аьгъювалар ва тербия туври мугъан гъамус 50 йис тамам гъабхьну. Гъадму вахтан арайи мугъу варжариинди баяр – шубар ахью уьмриз, аьгъюваларин рякьюз гъазур аплбак чан пай кивну. Аьхиримжи вахтна Людмила Павловнайи Хючнаарин гизаф профилар айи 1 – пи нумрайин лицейи ва райондин Гимназияйи тарихдин ва обществознанийин дарсар киври мялимди гъилихну. Му образованийин тешкилатарин руководителари Людмила

Исаевайин марци зегьметнакан хайлин тарифнаан гафар алури шулу. Мугъан зегьмет гъюкуматдин терефнаанра лишанлу дарап'ди имдар - му «Халкъдин просвещенийин отличник» (1994 –пи йис, «Дагъустан Республикайин лайикьлу мялим» (2007 – пи йис) ву, мугъаз райондин администрацияйин, УО – йин руководствомин терефнаан кьиматлу пешкешар ва Гъюрматназ грамотйир а. Хъа мугъаз варит'ан ахью пешкеш чухъ аьгъювалар гъадагъу урхурайидар халкъдизра, ватандизра, хизандизра вафалу инсанар хъуб, хъа чан гъизигу зегьметназ кьимат аьгъю хъуб ву. Мугъахъ аьгъювалар гъадагъу урхурайидари мугъахди гъарган ужуб аьлакьара уьбхюри шулу.

Хайлин йисари ахью коллективдиъ баркаллу ляхин гъаплу му мялимар гъамциб шадлугъан серенжемдиъ рягъятвализ рякьюн алул, гъелбетда, лицейин директор Жейран Мягъамедовнайинра, имбу мялимаринра дурарихъна вуйи ахью гъюрмат ву. Хъа дурадин гъац' аьсри их гележег, жигъил насли бадали гъизигу зегьмет гъациб гъюрматназ лайикьра ву. Мурар йиз мялим к'ури, ахью гъюрматниинди к'иван алурадур их арайиъра ц'иб адар.

«Табасарандин сес» газатдин редакцияйин терефнаанра, ккудубшу мялимдин йигъахди тебрик алури, Хадижат Къазялиевнайиз, Людмила Павловнайиз гележегдидра жандин миогъкам сагъвал, к'иван шадвал, хизандин терефнаан ахью гъюрмат ккун алураха.

**Ф. РАЖАБОВА.**

